

ATURAN URUSAN MESYUARAT

HARI JUMAAT, 29HB. JUN, 1990 PUKUL 3.00 PETANG

Bil. 14

1

PERTANYAAN-PERTANYAAN BAGI JAWAB MULUT

- *1. Tuan Hassan bin Harun minta Menteri Kemajuan Tanah dan Kemajuan Wilayah menyatakan secara terperinci kemajuan yang telah dicapai semenjak pimpinan RISDA diambilalih oleh Ketua Pengarah barunya; dan apakah rancangan masa depan agensi itu.
- *2. Tuan V.K. Sellappan minta Menteri Kewangan menyatakan apakah pihak Kerajaan sanggup mengambil-alih pentadbiran Bank Kerjasama Pusat (CCB) memandangkan bahawa ramai kakitangan Kerajaan menerima cek gaji mereka dari bank tersebut.
- *3. Tuan Dol b. Dolah minta Menteri Sains, Teknologi dan Alam Sekitar menyatakan adakah cadangan Jabatan Alam Sekitar mengkaji semula kedudukan kebanyakan kilang-kilang memproses getah supaya dipindahkan kepada tempat yang sesuai dan jauh daripada kediaman-kediaman.
- *4. Tuan K. Sivalingam minta Menteri Sumber Manusia menyatakan sudah lebih 10 tahun kita merdeka, tetapi masih terdapat ladang-ladang swasta yang belum menikmati kemudahan jalanraya, air dan letrik:
- (a) berapa banyak ladang yang belum mendapat kemudahan jalanraya, air dan letrik; dan
 - (b) apakah tindakan Kementerian untuk mengatasi masalah ini. Ini kerana kemudahan air yang disediakan oleh ladang swasta kadang-kadang langsung tidak boleh diminum dan ianya merbahaya bagi kesihatan.
- *5. Datuk Abu Bakar Lajim minta Menteri Pendidikan menyatakan beri sebab-sebab mengapakah had umur masuk sekolah akan diturunkan dari 7 tahun kepada 6 tahun.
- *6. Tuan Azman Atar b. Othman minta Menteri Pendidikan menyatakan jumlah murid-murid sekolah menengah yang telah didapati terlibat dalam penggunaan dadah tahun lepas. Sila beritahu langkah-langkah yang telah diambil untuk memulih murid-murid ini dan keluasan pencapaiannya.

*7. Puan Hajjah Rosnah bt Hj. Mohd. Salleh minta Perdana Menteri menyatakan apakah definisi "keluarga bahagia" dan apakah kempen yang dilaksanakan sekarang.

*8. Tuan Ibrahim b. Jendol minta Menteri Kehakiman menyatakan:

- (a) apakah perbezaan dari segi taraf dan bidang kuasa di antara Mahkamah Syariah dan Mahkamah Awam. Apakah benar dakwaan bahawa keputusan Mahkamah Syariah tidak dapat diterima oleh Pejabat Tanah di dalam kes yang berkaitan dengan Kanun Tanah Negara; dan
- (b) apakah langkah yang telah dan sedang dibuat oleh Kementerian supaya perbezaan taraf dan bidang kuasa ini dapat dihapuskan atau dikurangkan.

*9. Tuan C. Krishnan minta Menteri Kewangan menyatakan bahawa benarkah undang-undang EPF 12(2A) tidak melaksanakan undang-undang ini dengan sempurna:

- (a) adakah benar pihak pekerja-pekerja mengalami beberapa kerugian kerana pihak majikan mengabaikan dengan tidak menghantar wang caruman kepada EPF. Sekiranya benar dari tahun 1985 hingga sekarang berapakah kes dan jumlah wang yang terlibat; dan
- (b) adakah cadangan untuk meminda Akta EPF 12(2A) ini untuk mengetatkan dan menjaga pekerja-pekerja daripada majikan yang menghilangkan diri setelah Syarikat ditutup tanpa menjelaskan wang caruman pekerja-pekerja.

*10. Jen. (B) Tan Sri Dato' Mohd. Ghazali Seth minta Menteri Pendidikan mengkaji semula Latihan Vocational supaya dipertingkatkan lagi sesuai dengan keperluan teknikal yang dikehendaki oleh industri-industri sekarang, termasuk industri-industri kejuruteraan berat. Setakat ini, Latihan Vokasional cuma dapat memenuhi kehendak junior technician; sebaliknya sebahagian besar daripada industri-industri sekarang memerlukan kemahiran sebagai Chargehand dan Foreman.

*11. Puan Law Jack Yoon minta Menteri Kemajuan Tanah dan Kemajuan Wilayah menyatakan:

- (a) jumlah luas kawasan FELDA dan jumlah penerokanya pada masa sekarang;
- (b) jumlah luas kawasan baru FELDA yang akan dibuka dan jumlah peneroka baru;
- (c) jenis tanaman yang ditanam sekarang; dan
- (d) apakah buah-buahan tempatan yang dieksport ke Negara Thai dari Malaysia.

*12. Puan Hjh. Habidah bt Jusoh @ Yusof minta Menteri Pertanian menyatakan:

- (a) apakah langkah Kerajaan kepada petani-petani yang memiliki tanah yang kecil dan juga mereka-mereka yang tidak mempunyai tanah sedangkan mereka adalah petani tulin di kampung-kampung; dan
- (b) adakah Kerajaan bercadang mendaftarkan mereka di seluruh Negara untuk dipertimbangkan cara bagi memberi tanah yang sesuai bagi Kerajaan mereka.

*13. Puan Ainon Ariffin minta Menteri Pendidikan menyatakan apakah sikap dan tindakan Kementerian mengenai Isu Naib Canselor Universiti Malaysia yang kian berlarutan itu.

*14. Tuan Shuib b. Endut minta Menteri Belia dan Sukan menyatakan tentang kedudukan bantuan Belia Niaga. Apakah syarat-syarat untuk memperolehi bantuan Belia Niaga itu.

*15. Tuan Dahalan b. Hj. Embun minta Menteri Pendidikan menyatakan apakah itu "Professor Kangkong".

*16. Dr. Nordin Selat minta Menteri Belia dan Sukan menyatakan apakah rancangan sukan masa depan negara memandangkan negara kita begitu giat dalam bidang sukan.

*17. Tuan Lim Chien Aun minta Menteri Kerja Raya menyatakan bilakah Lebuhraya Changkat Jering - Butterworth akan dilaksanakan memandangkan kini lebuhraya yang sedia ada tidak dapat menampung kenderaan-kenderaan yang kian menambah. Bolehkah Menteri Kerja Raya memberi jaminan supaya projek ini harus diberi keutamaan.

*18. Tuan G. Rajoo minta Menteri Pendidikan menyatakan:

- (a) sama ada semua Guru Besar dan Penolong Kanan yang berkhidmat di Sekolah Rendah sekarang telah diberi kertas opsyen dan dimasukkan ke dalam skim baru Pendidikan Perkhidmatan;
- (b) jika ya, apakah kategori dan tingkatan gaji yang ditawarkan kepada mereka dan jika tidak kenapa; dan
- (c) sama ada Kerajaan akan menimbangkan kemungkinan menawarkan tingkatan gaji khas dan tertinggi secara penyandang kepada Guru-guru Besar yang memegang jawatan sekarang.

*19. Tuan Chong Chi Siong minta Menteri Kesihatan menyatakan:

- (a) adakah Kementerian merancang untuk melengkapi Hospital Daerah di seluruh negara kita dengan alat

'Life-Support System' untuk menyelamatkan nyawa pesakit dari serangan pertama penyakit jantung; dan

- (b) adakah Kementerian bercadang akan menyiarkan melalui RTM tentang penggunaan minyak masakan sawit yang mengandungi 'tocopherol' dan 'tocotrienol' yang boleh mengurangkan kolestrol dalam darah tubuh manusia.

*20. Dr. Tan Chong Keng minta Menteri Pendidikan menyatakan cara pelajar-pelajar dipilih masuk Tingkatan Enam Rendah Sastera atau Sains di Sekolah-sekolah Kerajaan. Juga diminta Menteri Pendidikan memberi statistik pelajar Tingkatan Enam Rendah dan Atas mengikut negeri bagi tahun 1990.

*21. Tuan Hj. Abd. Majid b. Hj. Abdullah minta Menteri Pendidikan menyatakan:

- (a) bilakah gaji dua skim akan dilaksanakan;
- (b) apakah faedah yang didapati oleh guru-guru dari skim ini;
- (c) apakah benar ada kalangan guru-guru yang masih ragu-ragu dengan skim ini kalau benar apakah sebabnya.

*22. Tuan Chong Chi Siong minta Menteri Belia dan Sukan menyatakan adakah Kementerian merancang latihan 'intensif' bagi squad sepak takraw, permainan wau dan sebagainya seperti yang telah dilakukan kepada skuad badminton Piala Thomas agar ahli-ahli sukan negara kita juga dapat menunjukkan kekuatan dan bakat mereka dalam arena sukan.

*23. Datuk Abu Bakar Lajim minta Menteri Pertanian menyatakan sama ada beliau sedar seramai 1,156 orang membunuh diri dengan menggunakan racun serangga dari 1986 hingga Mac, 1990. Jika ya, apakah langkah-langkah yang telah diambil untuk menghalang ia daripada berleluasa. Jika tidak, apakah langkah yang akan diambil supaya kes ini dapat dikurangkan.

*24. Tuan V. K. Sellappan minta Menteri Kehakiman menyatakan sama ada penggunaan Bahasa Kebangsaan di mahkamah akan diselaraskan di seluruh negara termasuk di Sabah dan Sarawak.

*25. Tuan Shuib b. Endut minta Menteri Belia dan Sukan menyatakan jumlah belia yang menyertai Persatuan-persatuan Belia sekarang. Bagaimanakah prosedur Kementerian terhadap pemilihan belia untuk sesuatu program, misalnya: Lawatan Belia di Luar Negara.

*26. **Puan Hajjah Rosnah bt Hj. Mohd. Salleh** minta Menteri Pertanian menyatakan apakah alat-alat atau rekapipta oleh rakyat Malaysia yang boleh diguna untuk membantu memudahkan kerja atau memberi teknik-teknik baru dalam bidang pertanian.

*27. **Tuan Hj. Abd. Majid b. Hj. Abdullah** minta Menteri Kemajuan Tanah dan Kemajuan Wilayah menyatakan:

- (a) adakah KEJORA bercadang untuk memajukan bidang perikanan bagi nelayan yang ada di persisiran pantai di Wilayah KEJORA;
- (b) adakah KEJORA akan menambah jumlah rumah di perkampungan nelayan di Tanjong Balau, memandangkan sambutan yang sangat menggalakkan.

*28. **Tuan Saidin b. Mohamad** minta Menteri Pendidikan menyatakan berapa banyakkah kelas-kelas bimbingan atau tuisyen yang tidak didaftar atau mendapat kebenaran Kerajaan yang telah diambil tindakan dan apakah tindakan-tindakan dikenakan kepada penganjur kelas-kelas tuisyen itu; dan apakah kesalahan-kesalahan lain yang telah berlaku dikelas-kelas itu yang boleh merosakkan generasi muda akan datang.

*29. **Tuan Dahalan b. Hj. Embun** minta Menteri Pengangkutan menyatakan:

- (a) mengapakah pihak MAS mengenakan denda 25% untuk penumpang yang terlewat dan penumpang yang ingin terbang terdahulu daripada tempuh tempahan; dan
- (b) apakah 'cancellation fee' yang dikenakan untuk cancellation dalam tempuh 3 hari (72 jam) ini munasabah. Bukankah setiap hari pun MAS dapat faedah daripada 'waiting list passengers'.

*30. **Tuan Tan Chai Ho** minta Menteri Kewangan menyatakan memandangkan Komputer telah menjadi barangan biasa, adakah Kerajaan bercadang untuk mengecualikan cukai ke atas bahan-bahan komputer.

*31. **Tuan Shuib b. Endut** minta Menteri Belia dan Sukan menyatakan kedudukan Majlis Perundingan Belia Negara di negeri-negeri dan berapa negerikah yang telah menubuhkan Majlis Perundingan Belia Negara. Jika tidak ditubuhkan, apakah alasannya.

*32. **Puan Hjh. Rosnah bt Hj. Mohd. Salleh** minta Menteri Luar Negeri menyatakan apakah pencapaian persidangan G-15 dari segi ekonomi, sosial dan hubungan antarabangsa.

*33. **Tuan Hj. Abd. Majid b. Hj. Abdullah** minta Menteri Pertanian menyatakan:

- (a) apakah pencapaian hingga masa ini usaha-usaha Kerajaan bagi memajukan tangkapan ikan laut dalam;
- (b) jumlah lesen dan bot yang diluluskan;
- (c) jumlah tangkapan hingga sekarang;
- (d) program lanjutan bagi menyediakan nelayan yang gigih dan penuh minat.

*34. **Tuan P. Balaram** minta Menteri Pengangkutan menyatakan bagaimanakah kejayaan sistem Khidmat Serah Tiket ke rumah penumpang yang diadakan oleh KTM. Bilakah KTM merancang mengembangkan Khidmat Serah Tiket ke rumah penumpang ke stesyen-stesyen lain.

*35. **Puan Law Jack Yoon** minta Menteri Perumahan dan Kerajaan Tempatan menyatakan tentang peruntukan sebanyak \$70 juta untuk mengindahkan Malaysia dalam Program Bersih dan Indah yang diumumkan oleh beliau:

- (a) bagaimana kemajuan program tersebut; dan
- (b) selain daripada penanaman pokok-pokok yang rendah, kemudahan tong sampah awam, lampu jalan, pembinaan perhentian bas dan jejambat dan zon-zon industri ringan, apakah tindakan Kementerian untuk memperbaiki jalan raya di ibu kota, bandar-bandar dan kampung-kampung.

*36. **Dr. Nawawi Mat Awin** minta Perdana Menteri menyatakan:

- (a) sama ada benar laporan yang mengatakan bahawa penentuan zakat berkenaan dengan EPF akan diputuskan mengikut fatwa yang didapati dari luar negeri;
- (b) jika benar:
 - (i) siapakah pemberi fatwa berkenaan;
 - (ii) sama ada pendapat-pendapat 'ulama' dalam negeri sudah diperolehi dan apakah pendapat itu;
 - (iii) sama ada keputusan muktamad dalam masalah-masalah umumnya adalah berasaskan fatwa-fatwa yang didapati dari luar negeri, dan namakan punca-punca fatwa pemutus yang diiktiraf sekarang.

*37. **Tuan Ibrahim b. Jendol** minta Menteri Pengangkutan menyatakan:

- (a) jumlah aduan dan jumlah denda yang telah dikenakan kepada pengguna jalanraya hasil dari laporan dan aduan yang dibuat oleh kakitangan Kerajaan dari kumpulan A; dan
- (b) apakah langkah yang telah dan akan diambil oleh Kementerian hasil dari kajian yang telah dibuat oleh Radin Umar/Radin Suhadi dan Dr. Aminuddin Adnan dari Universiti Pertanian Malaysia mengenai tabie/perangai dan sikap pengguna jalanraya di negara ini.

*38. Dr. Ng Khok Kiung minta Menteri Kebudayaan dan Pelancongan menyatakan:

- (a) anggaran bilangan pelancang yang telah melawat negara kita sejak pelancaran "Tahun Melawat Malaysia 1990";
- (b) jumlah perbelanjaan yang telah digunakan untuk tujuan promosi dan lain-lain;
- (c) anggaran pendapatan yang telah diperolehi sejak pelancaran "Tahun Melawat Malaysia 1990"; dan
- (d) apakah program-program promosi pelancungan yang telah dirancang selepas 1990.

*39. Tuan Azman Atar b. Othman minta Perdana Menteri menyatakan pernahkah pihak Kerajaan membuat kajian mengenai strategi-strategi 'pendakwah-pendakwah' yang terlalu banyak berkeliaran di dalam berbagai corak, bentuk dan platform. Bukankah jelas usaha-usaha yang dijalankan oleh mereka ini ke arah merubah pandangan sikap dan pemikiran serta kecenderungan masyarakat Islam negara ini kepada ideologi asing seperti Syiah dan seumpamanya. Apakah langkah-langkah yang dijalankan oleh pihak Kerajaan bagi mengatasi keadaan ini daripada menular dan berleluasa.

*40. Tuan Tan Chai Ho minta Perdana Menteri menyatakan sejauhmanakah kejayaan Mesyuarat G-15 di negara kita baru-baru ini.

*41. Tuan P. Balaram minta Menteri Kebajikan Masyarakat menyatakan:

- (a) berapa banyak budak-budak di bawah umur 16 tahun melarikan diri dari rumah dalam lima tahun lepas;
- (b) berapa orang budak yang dapat dikesan dan balik ke keluarga masing-masing;
- (c) jika kadar pelarian itu tinggi maka apakah sebab-sebab berlakunya demikian; dan

- (d) apakah langkah-langkah yang diambil oleh Kementerian untuk menghindar berlakunya pelarian itu.

*42. **Tuan G. Rajoo** minta Menteri Luar Negeri menyatakan:

- (a) peranan yang dimainkan oleh Malaysia menerusi ASEAN dalam penyelesaian isu Kampuchea baru-baru ini berikutan dengan Jakarta Informal Meeting (JIM); dan
- (b) apakah isu yang menghalang pendaamaian di antara puak-puak yang bersengketa di Kampuchea dan nyatakan langkah-langkah diambil oleh Kerajaan untuk mengatasinya.

*43. **Tuan Hassan b. Harun** minta Menteri Pendidikan menyatakan berapa ramaikah sekarang (1990):

- (a) penuntut-penuntut tajaan Kerajaan dan agensi-agensi Kerajaan seperti MARA, PETRONAS, STM dan LLN; dan
- (b) anggaran penuntut-penuntut persendirian, di peringkat persediaan di pusat-pusat pengajian di seberang laut.

*44. **Dato' Hj. Zakaria b. Hj. Yahaya** minta Menteri Kebajikan Masyarakat menyatakan:

- (a) berapa banyak kes-kes penganiayaan kanak-kanak yang telah dapat dikesan sehingga 30hb. Mei, 1990;
- (b) apakah puncanya di waktu akhir-akhir ini kes penganiayaan kanak-kanak ini banyak berlaku; dan
- (c) apakah tindakan jangka pendek dan jangka panjang oleh Kementerian Kebajikan Masyarakat bagi membentaras penganiayaan kanak-kanak dari berleluasa.

*45. **Dr. Tan Chong Keng** minta Menteri Perumahan dan Kerajaan Tempatan menyatakan apakah langkah-langkah yang diambil oleh Kerajaan untuk menolong pembeli-pembeli rumah yang tertipu oleh pemaju-pemaju perumahan yang mengadaikan rumah-rumah kepada bank-bank walaupun bayaran kos pembelian rumah sudah dibuat oleh pembeli-pembeli.

*46. **Dr. Ng Khek Kiung** minta Menteri Perumahan dan Kerajaan Tempatan menyatakan apakah langkah-langkah telah diambil oleh pihak Kementerian untuk bertindak dan mengawal kenaikan harga rumah yang keterlaluan oleh pemaju-pemaju perumahan.

*47. Tuan Azman Atar b. Othman minta Menteri Kebajikan Masyarakat menyatakan:

- (a) sama ada peruntukan undang-undang untuk melindungi penganiayaan kanak-kanak dan isteri-isteri memadai; dan
- (b) apakah kejayaan-kejayaan dari segi penguatkuasaan terhadap kanak-kanak dan isteri-isteri yang telah dianiayakan.

*48. Tuan Dahalan b. Hj. Embun minta Menteri Dalam Negeri menyatakan:

- (a) mengapakah hukuman mati pun tidak boleh menyekat pengedar dadah dari kegiatan mereka;
- (b) berapa ramaikah pengedar dadah yang telah dihukum dan menjalani hukuman; dan
- (c) adakah Kerajaan bercadang apa-apa langkah lain untuk memberi keberkesanan terhadap pencegahan pengedaran dadah selain dari rampasan harta pengedar.

*49. Tuan Mohd. Wadji b. Dato Hj. Ishak minta Perdana Menteri menyatakan:

- (a) mengapa dan kenapa tidak ujudnya di antara Negara ASEAN dalam menentukan tarikh persamaan Hari Raya Aidilfitri sedangkan kerjasama dari segi politik ekonomi boleh diperundingkan; dan
- (b) sama ada Kerajaan sedar atau tidak adanya penganut Islam yang berhari Raya Aidilfitri tidak mengikut tarikh sebagaimana yang ditetapkan oleh pihak Kerajaan. Kalau sedar apakah langkah yang diambil bagi mengatasinya.

*50. Tuan P. Balaram minta Menteri Sumber Manusia menyatakan:

- (a) adakah semua masalah-masalah berkaitan dengan gaji bulanan di antara NUPW dan MAPA diselesaikan; dan
- (b) selaras dengan dasar Kerajaan iaitu kemudahan perumahan untuk tiap-tiap rakyat, adakah Kerajaan bercadang untuk memujuk dan merayu tuan-tuan punya ladang dan lombong untuk membina dan menjual rumah-rumah kepada pekerja-pekerja mereka.

*51. Tuan G. Rajoo minta Menteri Sumber Manusia menyatakan langkah-langkah yang diambil oleh Kerajaan untuk mengekalkan status Skim Keutamaan Khas (GSP) yang diberikan kepada Malaysia berikutan dengan aduan MTUC kepada Persekutuan Buruh Industri Amerika (AFL-CIO) baru-baru ini.

*52. Puan Ainon Ariffin minta Perdana Menteri menyatakan adakah HAWA mempunyai rancangan untuk mendekati generasi muda bakal ibubapa dan penjaga, khususnya wanita dalam "Kesedaran Kemanusiaan", supaya kejadian kekejaman tidak berperi kemanusiaan terhadap kanak-kanak itu dapat dihapuskan.

*53. Tuan V.K. Sellappan minta Menteri Sains, Teknologi dan Alam Sekitar menyatakan sama ada penebangan pokok-pokok di kawasan-kawasan pendalaman khususnya di tepi-tepi sungai akan membawa kepada hakisan tanah.

*54. Datuk Abu Bakar Lajim minta Menteri Kesihatan menyatakan sama ada akan diadakan polisi bagi tapisan barah, memandangkan penyakit ini mempunyai peluang untuk sembuh yang tinggi apabila dikesan lebih awal.

*55. Puan Law Jack Yoon minta Menteri Kebudayaan dan Pelancongan menyatakan:

- (a) dari Januari 1990 hingga sekarang, jumlah pelancong asing yang telah melawat Malaysia;
- (b) kebanyakan pelancong-pelancong itu datang dari negara apa;
- (c) apakah tempat di Malaysia yang paling popular kepada pelancong-pelancong asing;
- (d) jumlah pertukaran wang asing yang telah diperolehi oleh Malaysia; dan
- (e) apa langkah-langkah yang diambil untuk meningkatkan pembangunan industri ini.

*56. Tuan Chong Chi Siong minta Menteri Sains, Teknologi dan Alam Sekitar menyatakan adakah Kerajaan bersedia akan menyerapkan kepakaran teknologi penggunaan tenaga solar dari Negeri Selatan-selatan khususnya India dan Yusoslavia ke bidang perdagangan komoditi utama negara kita seperti minyak sawit dan getah demi untuk meningkatkan ekonomi negara kita.

*57. Tuan Tan Chai Ho minta Menteri Pendidikan menyatakan apakah kesan kebaikan dan keburukan cadangan Kerajaan untuk mempercepatkan umur kemasukan kanak-kanak ke sekolah rendah baru-baru ini.

/sz.

PADA PERMULAAN URUSAN MESYUARAT

"USUL"

1. **Menteri di Jabatan Perdana Menteri** akan mencadangkan:

Bahawa, walau apapun peruntukan-peruntukan Peraturan Mesyuarat 11, Majlis Dewan Negara tidak akan ditangguhkan hari ini sehingga selesai dipertimbangkan semua sekali urusan yang tertera dalam Aturan Urusan Mesyuarat untuk hari ini, dan apabila tamat mesyuarat, Dewan ini akan ditangguhkan kepada suatu tarikh yang tidak ditetapkan.

ATURAN URUSAN MESYUARAT

1. (DR. 35/90) Rang Undang-undang Standard-Standard Minimum Perumahan dan Kemudahan Pekerja.-

Menyambung semula Perbahasan atas Masalah, "Bahawa Rang Undang-undang ini dibacakan kali yang kedua sekarang." (28hb Jun, 1990).